

SESIÓN ORDINARIA CELEBRADA POLO PLENO DO CONCELLO O DIA
28 / SETEMBRO / 2000

SUMARIO

- 1.- APROBACIÓN, SE PROCEDE, ACTAS SESIÓNS ANTERIORES
- 2.- ACTIVIDADE DE CONTROL DO PLENO
- 3.- DAR CONTA DE RESOLUCIÓNS DA ALCALDÍA
- 4.- DAR CONTA DE EXPEDIENTES DE MODIFICACIÓN DE CRÉDITOS NÚMS. 11/00 A 16/00 AMBOS INCLUSIVE.
- 5.- DAR CONTA ESCRITO ALCALDÍA S/NOMEAMENTO DOUS CONCELLEIROS COMO MEMBROS DA COMISIÓN DE SEGUIMENTO CONVENIO XERENCIA TERRITORIAL DO CATASTRO.

Urbanismo

- 6.- ESCRITO ASINADO POR REPRESENTANTES COMUNIDADE DE MONTES EN MAN COMÚN DE QUINTELA E A ASOCIACIÓN DE VECIÑOS EIDOS DE QUINTELA.
- 7.- PROPOSTA DA COMISIÓN INFORMATIVA DE URBANISMO S/ CORRECCIÓN DE ERROS NO DOCUMENTO DAS NORMAS SUBSIDIARIAS DE PLANEAMENTO DE ÁMBITO MUNICIPAL DE REDONDELA, INSTADA POR D. AMADOR BALLESTROS CASTRO
- 8.- PROPOSTA DA COMISIÓN INFORMATIVA DE URBANISMO DE DATA 29 DE XUÑO DE 2000 S/ CORRECCIÓN DE ERROS NO DOCUMENTO DAS NORMAS SUBSIDIARIAS DE PLANEAMENTO DE ÁMBITO MUNICIPAL DE REDONDELA.

Benestar Social

- 9.- DICTAME DA COMISIÓN INFORMATIVA DE BENESTAR SOCIAL E XUVENTUDE S/ MODIFICACIÓN REGULAMENTO CONSELLO SECTORIAL DA MULLER.
- 10.- DICTAME DA COMISIÓN INFORMATIVA DE BENESTAR SOCIAL S/ CONVENIO LUDOTECA
- 11.- PROPOSTA DA CONCELLEIRA DE BENESTAR SOCIAL S/ CONVENIO DE COLABORACIÓN ENTRE O ORGANISMO AUTÓNOMO DE TRABALLO E PRESTACIÓNS PENITENCIARIAS CO CONCELLO DE REDONDELA.

Estatística

- 12.- REVISIÓN PADRÓN HABITANTES A 1-01-99

Mocións

- 13.- MOCIÓN DO BNG S/LIBERALIZACIÓN HORARIOS COMERCIAIS.

Serie A N.º 1175915

O EL NUMERADO
CORPORACIÓN
LOCAIS

14.- ESCRITO VECIÑOS DE CESANTES S/CONSTRUCCIÓN POR RENFE DUN PASO ELEVADO OU SUBTERRANEO NO COUTO-CESANTES.

15.- ROGOS E PREGUNTAS

ASUNTOS FORA DA ORDE DO DÍA

A).- MOCIÓN DO BNG S/ APOIO DESTE CONCELLO A MARCA MUNDIAL DAS MULLERES.

B).- MOCIÓN DO PP S/PROLONGACIÓN DA LÍNEA 19 DA COMPAÑIA VITRASA DE CANDEAN A SAN VICENTE DE TRASMAÑO.

C).- MOCIÓN DO PP SOLICITANDO QUE O CONCELLO INSTE A FOMENTO OU NOUTRO CASO O FAGA DIRECTAMENTE O MESMO, A LIMPEZA E DESBROCE DA MALEZA EXISTENTE ENTRE O CAMIÑO DOS OLMOS E O COLEXIO ALEXANDRE BOVEDA.

D).- MOCIÓN PARA QUE O CONCELLO EXERZA AS ACCIÓNS NECESARIAS EN RELACIÓN COAS OBRAS DO NOVO CEMITERIO DE CANDEÁN (VIGO).

Na Casa do Concello de Redondela, sendo as vinte horas e trinta minutos do día **vinteito de setembro do ano dous mil**, baixo a Presidencia do Sr. Alcalde, D. XAIME REI BARREIRO, e a asistencia dos/as Sres/as Concelleiros/as: D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA. M^a DEL PILAR MARTÍNEZ GONZÁLEZ, DONA. M^a DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, D^a. M^a. DEL CARMEN RODRÍGUEZ RIVAS, D. MANUEL RAMÓN CONDE ROMERO, D. EMILIO SÁNCHEZ SANTORIO, D^a. AURORA ALONSO MONTEAGUDO, D. JOSE LUIS ALONSO BASTOS, D. MANUEL PUENTES SAAVEDRA, D. LUIS MÍGUEZ BOULLOSA, D. PABLO REBANAL FERNÁNDEZ, D. XOSÉ CARLOS PAZOS DOCAMPO, DONA. CECILIA PÉREZ ORGE, D. XOSÉ LUIS GRANDE GRANDE e DONA. ÁNXELES GONZÁLEZ GÓMEZ, asistindo o Sr. Interventor, D. MODESTO SOLLA SANZ, actuando como Secretario o titular da Corporación D. LUÍS TORRADO VÁZQUEZ, constitúese o Pleno do Concello, en sesión ordinaria, conforme á convocatoria e de acordo coa Orde do Día remitida a tódolos Sres/as Concelleiros/as, coa antelación legalmente requirida.

A Presidencia declara aberta a sesión en primeira convocatoria, procedéndose a trata-los puntos da Orde do Día.-

1.- APROBACIÓN, SE PROCEDE, ACTAS SESIÓNS ANTERIORES

Pola Presidencia dase conta a este Concello Pleno das actas das sesións extraordinarias de data 19 de xuño de 2000, duas do 17 de xullo de 2000, 20 de xullo de 2000, 31 de xullo de 2000, 9 de agosto de 2000, 10 de agosto de 2000, 21 de agosto de 2000 e 30 de agosto de 2000.

Manifestando os/as Sres/as Concelleiros/as se teñen algo que alegar respecto da aprobación das mesmas.

Concedida a palabra pola Presidencia polo Concelleiro Sr. Pazos Docampo sinálase que o folio 15 da acta extraordinaria do Pleno correspondente ó 20 de xullo de 2000, e no último parágrafo da citada páxina non se indica nen queda claro quen fala ou quen deixa de falar.

Este Concello Pleno, por unanimidade dos/as Sres/as Concelleiros/as asistentes acordou prestarlle a súa aprobación as actas antes citadas coa aclaración referente á de 20 de xullo de 2000 feita polo Concelleiro Sr. Pazos Docampo.

2.-ACTIVIDADE DE CONTROL DO PLENO

Concedida a palabra pola Presidencia polo Concelleiro Sr. Conde Romero se sinala que neste punto e o amparo do previsto na Lexislación vixente quere facer unhas preguntas a este Concello Pleno.

O Sr. Alcalde non lle permite facer as preguntas ó Concelleiro Sr. Conde Romero, xa que indica que deben ser presentadas por escrito e dentro dos prazos previstos no Regulamento Orgánico do Concello. A tal efecto polo Sr. Alcalde dase lectura os artigos 18 e 39 do Regulamento Orgánico do Concello referentes a este tema, polo que se afirma na súa negativa de que se formulen preguntas neste punto polo Concelleiro Sr. Conde Romero.

Concedida a palabra pola Presidencia polo Concelleiro Sr. Conde Romero se insiste en que ten dereito a formular preguntas neste punto da orde do día, considerando a actuación do Sr. Presidente como unha interpretación súa, solicita do Sr. Secretario se emita informe ó respecto.

Polo Sr. Presidente se interesa emita informe o Sr. Secretario.

Ante a petición de informe e concedida a palabra pola Presidencia polo Sr. Secretario se sinala que da normativa de aplicación e da lectura do Regulamento Orgánico deste Concello, respecto das preguntas a formular neste Pleno, a cuestión aparece recollida no Regulamento Orgánico do Concello dunha forma vaga e contradictoria por tratarse dunha mesma cuestión regulada en dúas partes do citado Regulamento, sobre aspectos que poden ser distintos, polo que considero que debería de precisarse debidamente no futuro este asunto.

3.-DAR CONTA DE RESOLUCIÓNS DA ALCALDÍA

Polo Sr. Alcalde dase conta das resolucións da Alcaldía dende o 23 de maio de 2000 ata 21 de setembro de 2000.

Concedida a palabra pola Presidencia polo Concelleiro Sr. Conde Romero, se indica que nas cuestións da Alcaldía aprobando gastos se sigue indicando según a relación adxunta que non se atopa, polo que se solicita que se inclúa esa relación para o seu debido coñecemento.

Serie A N.º 1175916

EL NUMERADO
CORPORACIONES
LOCAIS

Concedida a palabra pola Presidencia polo Sr. Interventor se indica que neste Concello se pon a disposición dos/as Sres/as Concelleiros/as toda a documentación correspondente ó Pleno tanto administrativa como referente á contabilidade, o que ocorre é que o referente ós gastos, a veces, supoñería varias carpetas de difícil aporte, polo que propón se suprima a expresión de relación adxunta, quedando a documentación a consulta dos/as Concelleiros/as deste Concello.

O Concello Pleno, quedou enterado do contido das Resolucións dictadas.-

**4.-DAR CONTA DE EXPEDIENTES DE MODIFICACIÓN DE CRÉDITOS
NÚMS. 11/00 A 16/00 AMBOS INCLUSIVE.**

Pola Presidencia dase conta ó Concello Pleno dos expediente de modificación de crédito núms. 11/00, 12/00, 13/00, 14/00, 15/00 e 16/00.

O Concello Pleno quedou enterado do contido dos citados expedientes de modificación de crédito.

**5.-DAR CONTA ESCRITO ALCALDÍA S/ NOMEAMENTO DOUS
CONCELLEIROS COMO MEMBROS DA COMISIÓN DE SEGUIMENTO
CONVENIO XERENCIA TERRITORIAL DO CATASTRO.**

Polo Sr. Presidente se sinala que este asunto quede pendente SOBRE A MESA.

O Concelle Pleno, por unanimidade dos/as Sres/as Concelleiros/as asistentes acordou que o asunto correspondente a este asunto da orde do día quede pendente sobre a mesa.

**6.-ESCRITO ASINADO POR REPRESENTANTES COMUNIDADE DE
MONTES EN MAN COMÚN DE QUINTELA E A ASOCIACIÓN DE VECIÑOS
EIDOS DE QUINTELA.**

Pola Presidencia dase conta a este Concello Pleno de escrito dos representantes da Comunidade de Montes en man común de Quintela e da Asociación de Veciños de Quintela, asumido polos voceiros dos tres grupos políticos integrantes desta Corporación, de data 23 de agosto de 2000, que dí:

1ª. Que, a parroquia de Quintela ten unha extensión superficial en todo o seu perímetro dunhas 200 hectáreas de terreno aproximadamente, entre as que se inclúen ademáis as propiedades particulares, os terrenos clasificados no seu día co carácter de monte veciñal en man común e por tanto da exclusiva propiedade dos veciños de Quintela.

2ª. Que, a pesar desa extensión superficial da parroquia, na práctica o terreno realmente dispoñible e de libre uso e disfrute por parte dos veciños de Quintela se reduce tan só ó 50% do mesmo, pois o restante está gravado con servidumes de paso de tendidos eléctricos, estradas e viais, servidumes de acueductos con canalizacións de auga..., facendose especialmente significativa esa limitación co caso de monte veciñal en man común no que a superfie que queda libre de afectacións, gravamens vese reducida a oito hectáreas de terreno aproximadamente fronte as 91 hectáreas que no seu día se

2032911

declararán como pertencentes ós precitados veciños de Quintela por parte do Xurado Provincial de Montes Veciñais en Man Común de Pontevedra na correspondente Resolución de Clasificación.

3ª. Entre eses gravamens, que a título de importantes limitacións do dominio imponse sobre os terrenos da parroquia de Quintela, se indican as seguintes:

a) Instalacións eléctricas, representadas polas líneas de Alta Tensión, baixa e media que só polo monte veciñal en man común, e sen contar con outras que atravesan tamén outras propiedades particulares, resultan ser:

- I Línea 220 kv Castro-Pazos
- II Línea 220 kv Tibo-Pazos
- III Línea 132 kv Pazos-Troncal
- IV Línea 132 kv Pazos-Sárdoma
- V Línea 66 Kv Pazos-Renfe
- VI Línea 66 Kv Pazos-Redondela

b) Varias Carreteras e viais de servicio a outras parroquias tanto do mesmo Concello como doutros límites.

c) Acueducto representando pola canalización de augas efetuada pola empresa SERAGUA, no seu tramo Oitavén-Vigo e que atravesa con dúas bifurcacións diferentes a parroquia de Quintela dun extremo a outro.

Ademáis destes xa existentes, está proxectado a curto prazo a implantación de novas limitacións, tales como a línea de Alta Tensión que a empresa Unión FENOSA propónse habilitar en breve, referida como LAT-220KV Pazos-Atios/Mos (e do que este Concello ten xa amplo coñecemento por ter sido xa sometido o proxecto a fase de información pública), outa línea de Media Tensión tamén a instancia da mesma entidade Unión FENOSA Distrubición, a Estrada de Redondela a Nespereira, e a estrada de desviación de Soutoxuste a Arcade, e que de consumarse e levarse á práctica todos estes proxectos (cousa que non descartamos en absoluto) faríase aínda mas gravosa esta situación que afecta á parroquia de Quintela.

Con todo, o monte veciñal en man común non pode xenerar os recursos que lle son inherentes, fundamentalmente madeira, pois a ubicación de líneas impiden levar a cabo plantacións e repoblacións forestais, e as propiedades particulares ademáis desta mesma limitación a nivel de plantacións e explotacións agrícolas e precuarias, sufren tamén unha alarmante depreciación económica, pois debido a esos gravámes non poden ser obxecto de edificacións nin de actividades industriais, o que loxicamente se traduce dunha merma do seu valor económico.

4ª.- A pesar da existencia desos elementos de infraestrutura que inciden tan perxudicialmente sobre a parroquia de Quintela, paradoxicamente, os servizos públicos ós que aqueles permanecen adscritos, non reportan o máis mínimo beneficio para os veciños, senón que incluso poderíase predicar o contrario, e así, hai que facer constar que a nivel de suministro eléctrico (aínda sendo atravesada por varias líneras) éste é bastante precario, pois a potencia eléctrica que chega ós fogares dos veciños durante unha gran parte do día é insuficiente para manter activo incluso un ordenador persoal.

Serie A N.º 1175917

A elo pode contribuir, decisivamente, a circunstancia de que tanto as líneas eléctricas como a canalización para condución de auga están destinadas a transporte deses suministros e non a súa prestación efectiva na parroquia, o que fai aínda máis pernicioso, si cabe, esa situación toda vez que nin siquiera esos gravamens se traducen nunha maior calidade dos servizos para o colectivo parroquial, senón todo o contrario.

5ª.- Ademais destas consecuencias, que se poderían tildar de materiais, por canto entrañan unha considerable limitación do dereito da propiedade, existen tamén outras que inciden directamente sobre a calidade de vida dos habitantes da parroquia, e que non son menos importantes que as anteriores.

En efecto, debido fundamentalmente a esa cantidade de líneas eléctricas que atravesan a parroquia, entendemos que o impacto medioambiental que está xerado é negativo e altamente nocivo, sobre todo si temos en conta que unha gran parte da poboación de Quintela é maior de 65 anos, o tempo que se está restrinxindo cada vez máis as súas posibilidades recreativas e de distracción, pois a abrumadora ocupación de que é vítima o territorio parroquial non deixa practicamente espazo dispoñible algún para implantar, por exemplo, áreas de recreo, que non obstante haber sido proxectadas polas asociacións comparecentes quedaron precisamente nun proxecto sin consumación por causa da invasión do vello.

Por iso entendemos que o Concello de Redondela non pode permanecer impasible e insensible con esta problemática social que está aqueixando á parroquia de Quintela, e a súa preceptiva intervención nesta materia venlle imposta por versar sobre aspectos da súa competencia, nos términos previstos na vixente lexislación de Réximen Local, e por elo vense a interesar que pola súa parte se adopten as medidas de Prevención necesarias para atenuar estes efectos tremendamente negativos que deixamos apuntados, sobre todo pola sobrecarga radiactiva.

Por todo elo,

SOLICITAN a V.I.: Que, tenendo por presentado este escrito, o admita, e o leve ó PLENO dese Concello, para que adopte o seguinte Acordo:

1.- Apoiar incondicionalmente as lexítimas pretensións dos veciños da parroquia de Quintela, para impedir que UNIÓN FENOSA, continúe atravesando a parroquia con novas líneas de Alta, Media e Baixa Tensión, a excepción da que sea necesaria para prestar servizo a parroquia.

2.- Solicitar ós Servizos Técnicos do Concello ou no seu caso ó órgano da administración que corresponde, a elaboración dun informe de Impacto Ambiental e un estudo de radiactividade, no que se poña de manifesto a incidencia sobre todo das líneas eléctricas para os habitantes de Quintela.

3.- Esixir a UNIÓN FENOSA a anulación do trazado de líneas de Alta e Media Tensión que ten previsto levar a cabo pola parroquia de Quintela, e proceda a executar o trazado AV2 recomendado pola Consellería de Medio Ambiente.

4.- Esixir a UNIÓN FENOSA que proceda a cumprir as Directivas Comunitarias, no sentido de realizar galerías subterráneas polas que deberán discurrir as líneas de Alta, Media e Baixa Tensión.



EL NUMERADO
CORPORACIONES
LOCAIS

Pola Presidencia ábrese o correspondente turno de debate:

Concedida a palabra pola Presidencia polo Concelleiro Sr. Pazos Docampo, polo mesmo se sinala que se comparten as inquietudes de Quintela, así como a problemática que os veciños do lugar sufren polo paso das liñas eléctricas e remata a súa intervención decindo que o BNG defenderá ata o final a postura dos veciños.

Concedida a palabra pola Presidencia polo Concelleiro Sr. Conde Romero, se manifesta o apoio do seu partido a posición dos veciños, así como que se faga un seguimento continuo neste asunto para que FENOSA cumpra o que se solicita polos veciños de Quintela.

Concedida a palabra pola Presidencia polo Concelleiro Sr. Nuñez Salgado se mostra o apoio do PsdeG-PSOE a postura dos veciños así como o nomeamento da Comisión de veciños antes citada para defensa deste asunto.

O Pleno do Concello, por unanimidade dos/as Sres/as Concelleiros/as asistentes acordou prestarlle a súa aprobación ó solicitado no escrito de referencia.

7.-PROPOSTA DA COMISIÓN INFORMATIVA DE URBANISMO S/ CORRECCIÓN DE ERROS NO DOCUMENTO DAS NORMAS SUBSIDIARIAS DE PLANEAMENTO DE ÁMBITO MUNICIPAL DE REDONDELA, INSTADA POR D.AMADOR BALLESTROS CASTRO.

Pola Presidencia dase conta da proposta da Comisión Informativa de Urbanismo, de data 17 de agosto de 2000, que dí:

-Con data 6 de novembro de 1987 aprobaronse definitivamente, por acordo da Comisión Provincial de Urbanismo, as Normas Subsidiarias de Planeamento de Ámbito Municipal de Redondela, téndose publicadas no Boletín Oficial da Provincia nº 85 de 14 de abril de 1988.

A documentación grafiada realizouse sobre cartografía a esc 1:5000, e para os planos de detalle, a esc. 1:2000, sobre plano parcelario do Instituto Xeográfico e Catastral.

No transcurso da vixencia das devanditas Normas teñese observado reiterados erros nas parcelas grafiadas, contradicións entre os planos a escala 1:5000 e 1:2000, erros de calificación por mal grafiado das bases, ou ben contradicións entre a realidade e a documentación das normas.

Na súa virtude, e á vista do expediente promovido polo particular que logo se cita e dos informes favorables emitidos polo Servicio de Disciplina Urbanística, arquitecto asesor municipal e mailo secretario xeral do Concello a comisión informativa de urbanismo, en votación ordinaria e por unanimidade dos/as Sres/as asistentes, estimou oportuno propoñer ó concello Pleno a corrección do seguinte erro no Documento das Normas Subsidiarias de Planeamento de Ámbito Municipal de Redondela.

1).- MODIFICACIÓN DO PARCELARIO

Serie A N.º 1175918

1.1).- PROPOSTA

Proponse a corrección dos erros detectados no grafiado dos planos a escala 1:2000, sinalados e xustificados polo propietario afectado.

1.2).- XUSTIFICACIÓN DA PROPOSTA

O artigo 105.2) da Lei 30/1992, de 26 de novembro, modificada pola Lei 4/1999, di "As administracións públicas poderán, así mesmo, rectificar en calquera momento, de oficio ou a instacia dos interesados, os erros materiais, de feito ou aritméticos existentes nos seus actos", e por outra banda na Normativa e Ordenanzas das Normas Subsidiarias de Planeamento de Ambito Municipal, no seu artigo 11.3 establece: si se deran contradicións entre o plano e a realidade prevalecerá esta última. Polo tanto procede a modificación do plano parcelario recollendo a realidade existente.

1.3).- PARCELA QUE SE PROPON MODIFICAR

De D. AMADOR BALLESTEROS CASTRO, parcela sita en Picoto-Chapela, plano P-2 das NN.SS.

De acordo coa documentación adxunta.-

O Pleno do Concello, por unanimidade dos/as Sres/as Concelleiros/as asistentes acordou prestarlle a súa aprobación á proposta antes transcrita.

8.-PROPOSTA DA COMISIÓN INFORMATIVA DE URBANISMO DE DATA 29 DE XUÑO DE 2000 S/ CORRECCIÓN DE ERROS NO DOCUMENTO DAS NORMAS SUBSIDIARIAS DE PLANEAMENTO DE ÁMBITO MUNICIPAL DE REDONDELA.

Pola Presidencia dase conta da proposta da Comisión Informativa de Urbanismo na súa xuntanza de data 29 de xuño de 2000, que dí:

Con data 6 de novembro de 1987 aprobaronse definitivamente, por acordo da Comisión Provincial de Urbanismo, as Normas Subsidiarias de Planeamento de Ámbito Municipal de Redondela, téndose publicadas no Boletín Oficial da Provincia nº 85 de 14 de abril de 1988.

A documentación grafiada realizouse sobre cartografía a esc 1:5000, e para os planos de detalle, a esc. 1:2000, sobre plano parcelario do Instituto Xeográfico e Catastral.

No transcurso da vixencia das devanditas Normas teñese observado reiterados erros nas parcelas grafiadas, contradicións entre os planos a escala 1:5000 e 1:2000, erros de calificación por mal grafiado das bases, ou ben contradicións entre a realidade e a documentación das normas.

Na súa virtude, e a vista do expediente promovido polo particular que logo se cita e dos informes favorables emitidos polo Servicio de Disciplina Urbanística,



EL NUMERADO
CORPORACIONES
LOCAIS

arquitecto asesor municipal e mailo secretario xeral do Concello a comisión informativa de urbanismo, en votación ordinaria e por maioría dos/as Sres/as asistentes (5 votos a favor e 1 abstención, a do sre Concelleiro do grupo municipal do PP), estimou oportuno propoñer ó concello Pleno a corrección dos seguintes erros no Documento das Normas Subsidiarias de Planeamento de Ámbito Municipal de Redondela.

1) MODIFICACIÓN DO PARCELARIO

1.1).- PROPOSTA

Proponse a corrección dos erros detectados no grafiado dos planos a escala 1:2000, sinalados e xustificados polos propietarios afectados.

1.2).- XUSTIFICACIÓN DA PROPOSTA

O artigo 105.2) da Lei 30/1992, de 26 de novembro, modificada pola Lei 4/1999, di "As administracións públicas poderán, así mesmo, rectificar en calquera momento, de oficio ou a instacia dos interesados, os erros materiais, de feito ou aritméticos existentes nos seus actos", e por outra banda na Normativa e Ordenanzas das Normas Subsidiarias de Planeamento de Ambito Municipal, no seu artigo 11.3 establece: si se deran contradicións entre o plano e a realidade prevalecerá esta última. Polo tanto procede a modificación dos planos parcelarios recollendo a realidade existente.

1.3).- PARCELA QUE SE PROPON MODIFICAR

1.- DE D. JOAQUIN COSTA GIL, parcela sita en Outeiro das Penas - Cesantes, planos P-8 y C-2 das NN.SS.

2.- De D^a SUSANA LESMES ALONSO e D. JOSÉ RODRÍGUEZ FERNÁNDEZ, parcela sita en Vilar do Mato, Ventosela, planos C-2 e P-13 das NN.SS.

3.- De D. JESUS GARCIA CORTIZO e outra, parcela sita en A Formiga - Cedeira, planos P-4 e C-1 das NN.SS.

4.- De D. EDELMIRO MARTÍNEZ ROZA, parcela sita en O Viso, planos P-9 e C-2 das NN.SS.

5.- De Dna. PILAR BOUZON RODRÍGUEZ, parcela sita en Castiñeiras - Ventosela, planos P-13 y C-2 das NN.SS.

6.- De D. JUAN JOSE OTERO RODRÍGUEZ, parcela sita nos Valos - Saxamonde, planos P-20 e C-3 das NN.SS.

7.- De Dna. DOLORES ALONSO CABALEIRO, parcela sita en O Picoto - Chapela, planos P-2 e C-1 das NN.SS.

8.- De D. JOSÉ MARTINEZ MARTINEZ, parcela sita en O Picoto-Chapela, planos P-1 e C-1 das NN.SS.

9.- De D. ISIDRO LÓPEZ FERNÁNDEZ, parcela sita en O Picoto-Chapela,

Serie A N.º 1175919

planos P-1 e C-1 das NN-SS.

Todos eles de acordo coa documentación adxunta.

O Pleno do Concello, por unanimidade dos/as Sres/as Concelleiros/as asistentes acordou prestarlle a súa aprobación á proposta antes transcrita.

9.-DICTAME DA COMISIÓN INFORMATIVA DE BENESTAR SOCIAL E XUVENTUDE S/ MODIFICACIÓN REGULAMENTO CONSELLO SECTORIAL DA MULLER.

Polo Sr. Presidente dase conta da proposta da Concellalía de Benestar Social e Xuventude relativa á modificación do Regulamento do Consello Municipal da Muller do Concello de Redondela, no seu punto decimo terceiro dictaminado favorablemente pola Comisión Informativa da Comisión Informativa de Benestar Social e Xuventude de data 17 de xullo de 2000.

Pola Presidencia ábrese o correspondente turno de debate.

Concedida a palabra pola Presidencia pola Concelleiro Sr^a. González Gómez, se sinala que a modificación pretendida do Regulamento do Consello Sectorial da Muller do Concello de Redondela, fai referencia o seu punto décimo terceiro xa que onde dí: "3 representantes das vocalías da muller das entidades veciñais que designaran suplentes", debe dicir: "3 representantas das vocalías da muller das entidades veciñais (asociacións de veciños e centros culturais das parroquias), que designaran suplentes".

O pleno do Concello, por unanimidade dos/as Sres/as Concelleiros/as asistentes acordou prestar aprobación a proposta da Concelleira antes citada, dictaminada favorablemente pola Comisión Informativa de Benestar Social e Xuventude e que se sigan os trámites pertinentes á modificación pretendida.

10.-DICTAME DA COMISIÓN INFORMATIVA DE BENESTAR SOCIAL S/ CONVENIO LUDOTECA

Pola Presidencia dase conta da proposta formulada pola Presidenta da Comisión Informativa de Benestar Social e Xuventude, dictaminada favorablemente pola Comisión Informativa que dí:

Vistas as instancias presentadas ó amparo da convocatoria de subvencións da Concellalía de Benestar Social para ó ano 2.000, a Presidenta da Comisión PROPON:

-Asinar un convenio coa Ludoteca "Os Parruliños" da que é propietaria Dona Mónica Cabaleiro Figueroa (DNI:76.992.635-C), con enderezo en r/Pai Crespo, 73-4ºB, 36.800- Redondela.

Pola Presidencia dase conta do informe emitido polo Sr. Interventor en data 21 de setembro de 2000, referencia Rf^a T 119/00 no que formula resposas ao expediente e ao gasto.

O Pleno do Concello, por unanimidade dos/as Sres/as Concelleiros/as asistentes, adoptou os seguintes acordos:



EL NUMERADO
CORPORACIÓN
LOCAIS

Primeiro.- Salvalos reparos formulados polo Sr. Interventor no seu informe de data 21 de setembro de 2000, Rfª T 119/00.

Segundo.- Aprobar a proposta anteriormente transcrita, acordando asinatura do referido convenio.

11.-PROPOSTA DA CONCELEIRA DE BENESTAR SOCIAL S/ CONVENIO DE COLABORACIÓN ENTRE O ORGANISMO AUTÓNOMO DE TRABAJO E PRESTACIÓNS PENITENCIARIAS CO CONCELLO DE REDONDELA.

Polo Sr. Presidente faise saber a este Concello Pleno que non estando dictaminado este asunto pola Comisión Informativa correspondente, é preciso que polo Concello Pleno se adopte acordo respecto a declaración de urxencia do mesmo.

Este Concello Pleno por unanimidade acorda declarar a urxencia deste asunto e ratificar a súa inclusión na orde do día da presente sesión ordinaria.

A continuación polo Sr. Presidente dase conta a este Concello Pleno de proposta da Concelleira de Benestar Social e Xuventude, de data 22 de setembro de 2000, en relación coa asinatura dun convenio de colaboración entre o Organismo Autónomo de Traballo e Prestacións Penitenciarias e o Concello de Redondela para o cumprimento de penas de traballo en beneficio da comunidade.

O Pleno do Concello, por unanimidade dos/as Sres/as Concelleiros/as asistentes acordou prestar a súa aprobación a proposta da Concelleira de sinatura do convenio antes citado.

12.-REVISIÓN PADRÓN HABITANTES A 1-01-99

Polo Sr. Presidente faise saber a este Concello Pleno que non estando dictaminado este asunto pola Comisión Informativa correspondente, é preciso que polo Concello Pleno se adopte acordo respecto a declaración de urxencia do mesmo.

Este Concello Pleno por unanimidade acorda declarar a urxencia deste asunto e ratificar a súa inclusión na orde do día da presente sesión ordinaria.

A continuación pola Presidencia dase conta da proposta de Estadística sobre a revisión do Padrón de Habitantes ó 1 de xaneiro de 1999, de data 20 de setembro de 2000, que dí:

De conformidade co artigo 81 do Regulamento de Poboación e Demarcación Territorial das Entidades Locais, os Concellos deberán aproba-la revisión dos seus Padróns Municipais de Habitantes con referencia á 1 de Xaneiro de cada ano.

Por mor do novo sistema de xestión do Padrón Municipal de Habitantes, e os continuos intercambios de información entre o I.N.E. (Instituto Nacional de Estadística) e os Concellos, nos últimos anos, pola coordinación das variacións padronais producidas no ano anterior, fíxose necesario atrasar os resúmenes numéricos resultantes da revisión do Padrón Municipal de Habitantes ó 1 de Xaneiro de 2000, rematando o prazo o vindeiro 1 de Outubro do 2000.(Resolución do 6 de Outubro de 1999 da

PEL NUMERADO
CORPORACIÓN
LOCAIS

Serie A N.º 1175920

Subsecretaria, pola que se dispón a publicación da Resolución do Instituto Nacional de Estadística e da Dirección Xeral para Administración Local).-

Unha vez rematados os traballos descritos, o funcionario que suscribe, encargado do Negociado de Estatística, ven en propoñer ó Concello Pleno, a adopción do seguinte acordo:

Primeiro.- Aproba-la revisión anual do Padrón Municipal de Habitantes deste Concello con referencia ó 1 de Xaneiro de 1999, que se adxunta, e cuio resumen é o seguinte:

CONCEPTOS	TOTAL	HOMES	MULLERES
Poboación do municipio ó 01.01.1998	28926	14005	14921
Altas do 01.01.1999	978	502	476
Baixas do 01.01.1998 o 01.	656	327	329
Poboación do Municipio ó 01.01.1999	29248	14180	15068

Segundo.- Remitir á Delegación Provincial do I.N.E. a documentación correspondente ós resultados numéricos desta revisión.

Este Concello Pleno, por unanimidade dos/as Sres./as Concelleiros/as asistentes acordou prestarlle a súa aprobación á proposta antes transcrita.

13.-MOCIÓN DO BNG S/LIBERALIZACIÓN HORARIOS COMERCIAIS.

Pola Presidencia dase conta da Moción do BNG sobre liberalización dos horarios comerciais, de data 26 de xullo, que dí:

O Goberno do PP ven de aprobar un plan de liberalización de horarios comerciais, que determina a ampliación do horario de apertura semanal a 90 horas, e a 12 domingos e festivos de apertura anual progresiva, ao tempo que liberaliza totalmente os horarios dos establecementos comerciais cunha superficie menor de 300 m2.

Esta medida plantexa, en primeiro lugar, serios problemas de constitucionalidade, xa que a competencia de fixación de horarios comerciais foi transferida polo Estado ás Comunidades Autónomas, sendo éstas as que deben exercer a competencia en exclusiva.

Por outra parte, igual que o resto das medidas incluídas nos outros Reais Decretos-Lei aprobados, fovorecen a grande empresa fronte ao pequeno comercio, impulsando a concentración da comercialización de produtos en poucos operadores, o que prexudica aos consumidores -como o demostra o réxime de oligopolio que rexe na distribución de carburantes e outros produtos enerxéticos, e tamén aos produtores-palpábel nas prácticas abusivas que as grandes superficies comerciais exercen con eles.

Pero, ademais, a liberalización adopta-se sen que o principal afectado: o pequeno

comercio, a teña reclamado para competir coas grandes cadeas de distribución comercial. Ao contrario, foron éstas as que solicitaban a maior apertura horaria, opoñendo-se os pequenos comerciantes frontalmente.

Por último, con estas medidas está-se a promocionar e consolidar o traballo dominical, en contra da Resolución do Parlamento Europeo do día 12 de decembro de 1996, e por enriba da opinión da maioría dos/as cidadáns/ás que, en inquéritos realizados polo Centro de Investigacións Sociolóxicas, o CIS, non consideran necesaria a apertura dos comercios en domingos ou festivos.

Tendo en conta pois, que con esta liberalización de horarios comerciais nin se benefician aos consumidores nin á distribución comercial en xeral, seón que responde a intereses e presións das grandes cadeas de comercialización, cada vez máis alóctonas e menos autóctonas, o Grupo Municipal do BNG somete á consideración do Pleno a adopción dos seguintes acordos:

-Instar do Goberno do Estado a supresión do Real Decreto Lei 6/2000, polo que se adoptaron medidas urxentes de intensificación de competencia en determinados mercados de bens e servizos.

-Instar ao Goberno Galego a que rinvidique o exercicio en exclusiva da competencia reguladora dos horarios comerciais no seu ámbito territorial, que lle foi conferida polo Estado.

Pola Presidencia ábrese o correspondente turno de debate:

Concedida a palabra pola Presidencia pola Concelleira Sra Pérez Orge dase conta da moción antes transcrita na súa parta expositiva e dispositiva que considera que a aprobación do Decreto de liberalización do horario supón unha alegosía.

Concedida a palabra pola Presidencia polo Concelleiro Sr. Conde Romero se considera que non existe alegosía do Goberno Galego cos comerciantes e que o PP que si ben é conforme en parte co contido da moción está en contra co criterio de alegosía a que ten aluido a Concelleira Sra Pérez Orge e que non figura na súa moción.

Continúa a súa Intervención o Sr. Concelleiro Conde Romero decindo que a moción de referencia ten aspectos positivos e negativos pero que o PP se vai abster na votación da mesma.

Concedida a palabra pola Presidencia polo Concelleiro Sr. Nuñez Salgado se sinala que a liberdade de horarios non beneficia os usuarios e só beneficia as grandes superficies e que o goberno central non ten competencia nesta materia que correspondente o goberno galego.

Concedida a palabra pola Presidencia pola Concelleira Sra Pérez Orge indícase que cando referiuse a mesma aprobación con alegosía facía alusión o goberno central, ó facela sen ter en conta as partes interesadas e que non beneficia os usuarios e por contra perxudica os medianos e pequenos comerciantes en beneficio das grandes superficies.

Concedida a palabra pola Presidencia polo Sr. Concelleiro Conde Romero, indicase que non falou de grandes superficies e que o goberno galego está interesado en

Serie A N.º 1175921

chegar a acordos coas federacións de comerciantes e se afirma desde logo en respetar o descanso dominical, pero considera que o horario libre como se esta facendo en Europa podería ser beneficioso.

Concedida a palabra pola Presidencia polo Concelleiro Sr. Nuñez Salgado, polo mesmo se sinala que o PP por un lado está de acordo co contido da moción e por outro lado está en desacordo coa mesma e reafirma a súa posición de que os comerciantes deste Concello están en contra da liberalización dos horarios comerciais.

Concedida a palabra pola Presidencia pola Concelleira Sra Pérez Orge se solicita do PP que apoie a súa moción xa que o pequeno e mediano comerciante van a resultar perxudicados coa liberalización que se pretende que supoñerá peche de pequenos comerciantes que non pderán competir coas grandes superficies así como de perda de postos de traballo.

Non habén unanimidade de criterios pola Presidencia sométese a votación este asunto.

Efectuada a mesma, obtívose o seguinte resultado: Votos a favor do contido da moción: BNG (3) e PsdeG-PSOE (9), abstívose o PP (7). Na súa consecuencia por maioría de vostos resultou aprobada a moción de referencia.

14.- ESCRITO VECIÑOS DE CESANTES S/CONSTRUCCIÓN POR RENFE DUN PASO ELEVADO OU SUBTERRANEO NO COUTO-CESANTES.

Polo Sr. Presidente faise saber a este Concello Pleno que non estando dictaminado este asunto pola Comisión Informativa correspondente, é preciso que polo Concello Pleno se adopte acordo respecto a declaración de urxencia do mesmo.

Este Concello Pleno por unanimidade acorda declarar a urxencia deste asunto e ratificar a súa inclusión na orde do día da presente sesión ordinaria.

A continuación pola Presidencia dase conta do escrito de data, 24 de agosto de 2000, rexistrado de entrada co número 5366 do día 25 do mesmo mes e ano, que dí:

Emilio Filgueira Pérez con D.N.I. 36.006.308-S, e con domicilio en A Pantalla, 15, en representación propia e na dos/as que asinan os escritos que se acompañan EXPON:

Que a pretensión de RENFE de pechar, ao paso de peóns, o paso a nivel existente en O Couto-Cesantes, está a criar a lóxica alarma en todos os veciños e veciñas afectados diante da posibilidade de verse privados da comunicación dunha parte da parroquia de Cesantes coa capital do Concello e de uns e outros entre si.

Diante desta situación solicitamos:

Que o Concello de Redondela faga propia a nosa reivindicación e esixa a RENFE a construción dun paso ben elevado ben subterráneo, que manteña os actuais servizos na zona para todos os veciños e veciñas.

Pola Presidencia ábrese o correspondente turno de debate:



EL NUMERADO
CORPORACIÓN
LOCAIS

Concedida a palabra pola Presidencia polo Concelleiro Sr. Pazos Docampo se sinala que está de acordo co contido do escrito dos veciños de Cesantes, respecto dun paso a nivel, o que considera necesario.

Concedida a palabra pola Presidencia polo Concelleiro Sr. Conde Romero se sinala que si ben está de acordo coa petición dos veciños o paso a nivel debe ser non só de peatón senón tamén para uso de vehículos.

Polo Sr. Presidente se sinala que a cuestión debe ceñirse ó solicitado polos veciños quens foron os que presentaron o escrito de referencia, sen que quepan modificacións de ningún tipo.

O Concello Pleno, por unanimidade dos/as Sres/as Concelleiros/as asistentes acorda presta a súa aprobación ó contido do escrito dos veciños de Cesantes.

15.-ROGOS E PREGUNTAS

Non se formularon.

ASUNTOS FORA DA ORDE DO DÍA

Pola Presidencia se sinala a este Concello Pleno que fora da Orde do día se presentaron a este Pleno ordinario catro mocións unha do BNG e tres do PP para ser tratadas por este Pleno, polo que non estando incluídas na presente orde do día será preciso que polo Pleno de adopte acordo respecto da urxencia de cada unha delas.

O Concello Pleno, por unanimidade dos/as Concelleiros/as asistentes acorda que se declaren urxentes as catro mocións antes citadas unha do BNG e tres do PP para seran tratadas por este Concello Pleno.

A) MOCIÓN DO BNG S/ APOIO DESTE CONCELLO A MARCA MUNDIAL DAS MULLERES.

Pola Presidencia dase conta da moción do BNG, de data 27 de setembro de 2000, que dí:

O vindeiro 14 de outubro celebra-se unha manifestación en Bruxelas á que acudirán mulleres galegas e de todo o continente, para reclamar das institucións internacionais medidas concretas de carácter mundial sobre a pobreza, a violencia e a igualdade, e en apoio das actuacións que se desenvolverán nos días seguintes.

Así, o día 16 de outubro, na cidade de Washington, unha delegación de mulleres provenientes do mundo enteiro, reunirá-se co Sr. James D. Wolfenshon, Presidente do Banco Mundial e logo co Director Xeral do Fondo Monetario Internacional, Sr. Horst Köhler.

E, o día 17 de outubro, a mesma delegación estará en Nova Lorque para entregar ao Secretario Xeral da ONU, Kofi Annan, os dez millóns de asinaturas que apoian as reivindicacións mundiais.

Por primeira vez na historia, as mulleres dos cinco continentes unen-se para

Serie A N.º 1175922

demandar medidas destinadas a

- Eliminar a pobreza e garantir unha distribución equitativa da riqueza mundial entre ricos e pobres, entre mulleres e homes; e,
- Erradicar a violencia sobre as mulleres e asegurar a igualdade entre as mulleres e os homes.

A participación de máis de 5.000 grupos en 157 países e territorios fai que a Marcha Mundial constitúa unha mobilización de mulleres sen precedente. A Marcha Mundial forma parte do movemento social que compoñen asociacións, movementos sociais, sindicatos, grupos ONGs, etc, que limitan contra a mundialización neoliberal actual propondo alternativas e forxando a solidariedade a escala planetaria.

É, por iso, que o Grupo Municipal do BNG presenta esta Moción e solicita do Pleno da Corporación Municipal a adopción do seguinte

ACORDO

1. Concello de Redondela suma-se públicamente á celebración da Marca Mundial das Mulleres, através dos medios de comunicación.
2. Concello de Redondela colaborará na realización de cantos actos se celebren no país por este motivo e apoiará as mobilizacións convocadas pola Coordinadora Galega pola Marca Mundial das Mulleres.

Pola Presidencia ábrese o correspondente turno de debate:

Concedida a palabra pola Presidencia pola Concelleira do BNG Sra. González Gómez se da conta do contido da moción destacando a importancia da mesma, e interesando que o Concello de Redondela colabore na realización de cantos actos se celebren neste país por este motivo apoiando mobilizacións convocadas e pola coordinadora galega por marcha mundial das mulleres así como o propio Concello a través dos medios de comunicación.

Este Concello Pleno, por unanimidade dos/as Sres/as Concelleiros/as asistentes acordou prestarlle a súa aprobación a proposta antes transcrita.

B).- MOCIÓN DO PP S/PROLONGACIÓN DA LÍNEA 19 DA COMPAÑIA VITRASA DE CANDEÁN A SAN VICENTE DE TRASMAÑÓ.

Pola Presidencia dase conta da moción presentada polo grupo municipal do PP, de data 26 de setembro de 2000, que di:

A parroquia de San Vicente de Trasmañó atópase nunha situación bastante deficitaria en canto a comunicación e servizos públicos de viaxeiros para os seus veciños.

Dende fai moito tempo veñen reivindicando as diferentes asociacións representativas desta parroquia que, por parte da empresa Vitrasa, empresa

concesionaria do transporte urbán en Vigo, se amplie a liña nº 19 dende a parroquia de Candeán, ata San Vicente de Trasmañó.

Comprendemos que é suficientemente numerosa a poboación desta parroquia para que dita ampliación sexa rentable para a compañía Vitrasa, aínda que é posible xustificar, que dita poboación encóntrase en aumento progresivo debido ó chamativo da zona.

Sabemos que con data de entrada do 11 de agosto do corrente ano, presentouse no rexistro deste Concello, un escrito dirixido pola Asociación de Veciños de Chapela conxuntamente coa Comunidade de Montes desta parroquia neste sentido.

Polo que ó amparo do sinalado art. 97.3 do RD 2568/86 de 28 de novembro, polo que aprobase o R.O.F., presentase o Pleno a seguinte moción urxente, solicitando que este Concello tome o acordo de dirixirse ó Concello de Vigo solicitando a autorización correspondente para que a compañía Vitrasa poida ampliar a liña 19 dende Candeán a San Vicente de Trasmañó.

Pola Presidencia ábrese o correspondente turno de debate:

Concedida a palabra pola Presidencia polo Concelleiro Sr. Conde Romero, se sinala en relación coa súa moción que a mesma supón unha reivindicación dos veciños do citado lugar e do Concello de actuar nese senso.

Concedida a palabra pola Presidencia polo Concelleiro Sr. Pazos Docampo, polo mesmo se sinala que o procedemento sinalado polo Sr. Conde Romero na súa moción non é correcto co Concello de Vigo, senón coa empresa Vitrasa, pero que non se vai opoñer ó solicitado na moción e que apoia que Vitrasa chegue a San Vicente de Trasmañó.

Concedida a palabra pola Presidencia polo Concelleiro Sr. Nuñez Salgado, se sinala que as negociacións coa Empresa Vitrasa para conseguir a ampliación da liña 19 xa se ten iniciado, pero a cuestión é saber se son rentables ou non para Vitrasa.

Concedida a palabra pola Presidencia polo Concelleiro Sr. Conde Romero, se insiste en que o procedemento que sinala no seu escrito de solicitar autorización ó Concello de Vigo para que Vitrasa poida efectuar a ampliación é correcta e o que se equivocou foi o Concelleiro Sr. Pazos Docampo.

Concedida a palabra pola Presidencia polo Concelleiro Sr. Pazos Docampo, se sinala que non se ten equivocado neste asunto respecto do procedemento a seguir, senón que é unha disculpa de Vitrasa.

Concedida a palabra pola Presidencia polo Concelleiro Sr. Nuñez Salgado, se mantén o mesmo criterio que o mantido polo Concelleiro Sr. Pazos Docampo.

Concedida a palabra pola Presidencia polo Sr. Concelleiro Sr. Conde Romero, manifestase que na moción xa se indica que se autorice polo Concello de Vigo a Vitrasa para a ampliación, e que logo por este Concello, unha vez concedida a autorización se xestione con Vitrasa a ampliación pretendida.

Serie A N.º 1175923

Este Concello Pleno, por unanimidade dos/as Sres/as Concelleiros/as asistentes acordou prestarlle a súa aprobación á proposta antes transcrita.

C).-MOCIÓN DO PP SOLICITANDO QUE O CONCELLO INSTE A FOMENTO OU NOUTRO CASO O FAGA DIRECTAMENTE O MESMO, A LIMPEZA E DESBROCE DA MALEZA EXISTENTE ENTRE O CAMIÑO DOS OLMOS E O COLEXIO ALEXANDRE BOVEDA.

Pola Presidencia dase conta da moción presentada polo Grupo municipal do PP., de data 26 de setembro de 2000, que dí:

Na Parroquia de Chapela, entre o camiño dos Olmos e o Colexio Alexandre Boveda, bordeando a estrada nacional 550 no seu marxen esquerdo, dirección a Redondela, atópase un terreo en desnivel o cal está cheo de matorrais e maleza.

Estes matorrais e maleza encóntranse moi crecidos e impiden dunha forma clara a visibilidade para os viandantes cando éstos proceden por ela camiñando ou intentan cruzala, con gran risco para a súa integridade. Non debemos esquecermos que xa se produciron accidentes moi graves con resultado de morte.

Asimesmo, esta zona da que estamos a falar, conta con un gran tráfico, tanto peatonal como automobilístico. Moitas persoas maiores, pais e nais, acuden todos os días a recoller os seus fillos ó Colexio Público Alexandre Boveda e os nenos e nenas que teñen que desprazarse a pe ten que sufrir este risco constantemente.

Polo que ó amparo do sinalado art. 97.3 do RD 2568/86 de 28 de novembro, polo que aprobase o R.O.F, presentase ó Pleno a seguinte moción de urxencia, solicitando que o Concello inste ó Ministerio de Fomento para que leve a cabo coa maior urxencia posible o desbrozado dos matorrais e a maleza existente nesta zona descrita con anterioridade, dado o risco que esto supón para os veciños e veciñas da parroquia de Chapela, ou no seu defecto, acométase polo persoal deste Concello a limpeza deste terreo.

Pola Presidencia ábrese o correspondente turno de debate:

Concedida a palabra pola Presidencia polo Concelleiro Sr. Conde Romero se interesa que se obvie a actuación do Ministerio de Fomento neste asunto e que o fago o Concello directamente co seu propio persoal.

Concedida a palabra pola Presidencia polo Concelleiro Sr. Pazos Docampo, manifestase que si é unha actuación do Ministerio de Fomento que o fago o Ministerio e que non está de acordo con que o fago o Concello.

Concedida a palabra pola Presidencia polo Concelleiro Sr. Nuñez Salgado, sumase o interesado na moción e que se siga o procedemento que se indica na mesma.

Concedida a palabra pola Presidencia polo Concelleiro Sr. Conde Romero, sinala que debería enterarse se hai algún escrito do Concello a Fomento interesándose neste asunto e que aínda que coñece as competencias de Fomento non sería moi costoso para o Concello o desbroce e limpeza da maleza pola peligrosidade que supón, xa que a



EL NUMERADO
CORPORACIONES
LOCAIS

maleza existente impide a visibilidade para cruzar nese punto, tendo sido causa incluso de mortes.

Este Concello Pleno, por unanimidade dos/as Sres/as Concelleiros/as asistentes acordou prestarlle a súa aprobación a proposta antes transcrita.

D).- MOCIÓN PARA QUE O CONCELLO EXERZA AS ACCIÓNS NECESARIAS EN RELACIÓN COAS OBRAS DO NOVO CEMITERIO DE CANDEÁN (VIGO)

Pola Presidencia dase conta da moción de grupo municipal do PP, de data 26 de setembro de 2000, que dí:

En relación coas obras do novo Cemiterio de Candean (Vigo) e tendo en conta de que sen perxuício de que dispón de licencia de obras do Concello de Vigo, que asimesmo dispón de autorización da Delegación Provincial da Consellería de Sanidade de Pontevedra, de 27/05/98 e asimesmo, mediante Resolución da Dirección Xeral de Patrimonio Cultural de 20/07/98, autorízase o proxecto básico de construción de dito Cemiterio, a zona de servidumbre invade territorio deste municipio.

Resultando, que o art. 7 do Decreto 133/82 de 4 de novembro, polo que se regulan as condicións sanitarias dos cemiterios de Galicia, establece as distancias ós núcleos de poboación.

Resultando, que o art. 170 da Lei 5/97 de 22 de xullo da Administración de Galicia, establece que as Entidades Locais exercerán as accións e recursos procedentes en defensa do seu patrimonio.

Ó amparo do sinalado art. 97.3 do RD 2568/86 de 28 de novembro, polo que se aproba o R.O.F., presentase ó Pleno a seguinte moción de urxencia, solicitando que o Concello exerza as accións necesarias para a defensa do territorio municipal e non ter que soportar ningunha servidume por obras realizadas noutros Concellos que non son de interés xeral.

Pola Presidencia ábrese o correspondente turno de debate:

Concedida a palabra pola Presidencia polo Concelleiro Sr. Pazos Docampo, sinálase que é un tema que se quitou fora de contexto e considera que utilizar as servidumes para paralizar as obras dos veciños do novo cemiterio, non ten sentido.

Concedida a palabra pola Presidencia polo Concelleiro Sr. González Iglesias, se sinala que este asunto se plantexa con algunha frecuencia, e que hoxe non ten sentido. Nace a mesma o 14-04-99, sendo Alcalde, o Sr. Ricón Virulegio, e Concelleiro de Sanidade o Sr. Puch Casal, membro asimesmo da Comisión de Montes, e da lectura a unha información pública aparecida no Boletín Oficial da Provincia para formular alegacións e indica que durante o periodo de exposición non se presentaron alegacións algunhas por parte das Entidades Locais interesadas.

Serie A N.º 1175924

Continúa a súa intervención o citado Sr. Concelleiro González Iglesias, decindo que o Concello de Redondela daquela tería que perder cartos e que agora si se lle fai caso, tería que perder máis aínda.

Seguidamente polo Concelleiro Sr. González Iglesias dase conta a este Concello Pleno do espírito da Consellería de Sanidade e Servicios Sociais resolvendo e desestimando recurso de alzada interposto como consecuencia deste asunto e se pregunta porque non se interpuxo no seu tempo o recurso contencioso-administrativo xa que agora non hai posibilidade porque o demais e mal gastolo tempo e o diñeiro.

Concedida a palabra pola Presidencia polo Concelleiro Sr. Conde Romero, dirixíndose o Concelleiro Sr. González Iglesias, dille que se esqueza das siglas do PP., xa que no intre que fala cando Ricón era Alcalde o Sr. González Iglesias era Concelleiro e si o que dí o sabía debía indicarllo e se naquel intre non o sabía cometeu o mesmo erro que cometeron os demais.

Remata a súa intervención o citado Concelleiro, Sr. Conde Romero, decindo que dos erros hai que procurar pasar e o que deciden son os intereses dunha parroquia donde hai veciños votantes dos distintos partidos políticos.

Concedida a palabra pola Presidencia polo Sr. González Iglesias, dirixíndose o Sr. Conde Romero dille que si lle trae un dictame xurídico fundado por un xurista competente con experiencia no tema que faga un plantexamento serio lle discutiría ese tema a Vde. e mentres tanto votaremos en contra do contido da súa moción.

Concedida a palabra pola Presidencia polo Concelleiro Sr. Conde Romero, manifestase que o Concello votou a favor do gasto para que se fixera o deslinde e que asimesmo debe correr co gasto que supoña un letrado.

Nestre intre auséntase a Concelleira Sra. Rodríguez Rivas.

Non habendo unanimidade dos criterios sométese a presente moción a votación.

Efectua ésta obtivo o seguinte resultado: votos en contra: PSdeG-PSOE (8) e BNG (4), votos a favor: PP (7), na súa consecuencia por maioría de votos resultou rexeitada a moción antes transcrita.

E, non habendo máis asuntos que tratar, pola Presidencia dase por rematada a presente sesión, sendo as vinteduas horas da data fixada no encabezamento, en proba de todo o que, se estende a presente Acta, que se inscribiu no Libro dende a volta do folio seis do Papel Timbrado da Comunidade Autónoma de Galicia, Serie A nº 1175914, ata o folio dezaseis, Serie A nº 1175924, de todo o que, como Secretario, DOU FE.-

O ALCALDE

O SECRETARIO

Asdo: Xaime Rei Barreiro

Asdo: Luís Torrado Vázquez

EL NUMERADO
CORPORACIONES
LOCAIS